


Gasegase o le A'afia o Sela o Neura Auaunaga Fesoasoani



Samoaan

Auaunaga e leai se totogi e fesoasoani i tagata o lo'o maua i le MND ma ē e pele iā i latou

O lo'o matou avanoa mo oe ma ē e pele iā te oe

O le maua i se gasegase o le a'afia o sela o neura (MND) e mafai ona lagonaina ai le lofitūina. O le a mana'omia e oe, o lou āiga, ma tagata uma lava e vāvālalata ia te oe se taimi e fetu'una'i ai. O le ola ma le MND e matuā faigatā lava.

Ae o le iai o ni ē e lagolagosua malosi fa'apea ma le fesoasoani mai tagata tomai fa'apitoa, ua mafai e le to'atele o tagata ona ola tūto'atasi mo se vaega tugā o le gasologa o le ma'i ma ola i se tulaga lelei atonu e latou te le'i mafaufauina e mafai i le taimi na fa'amaonia ai ua maua i le ma'i.

O le auunaga lagolagosua

O le Motor Neurone Disease NZ (MND NZ) o se fa'alāpotopotoga e lē mo polofiti e fa'afaigaluegaina faufautua fesoasoani e tu'uina atu le fesoasoani fa'apitoa ma auunaga faufautua i Niu Sila atoa e aunoa ma se totogi.

E matou te galulue fa'atasi ma lau 'au tautasi soifua mālōlōina e fa'aleleia i'uga ma fesoasoani iā te oe e mafai ona e gaiioi e faia mea e te mana'o ai mo le umi e mafai ai. E lē o se auunaga mo fa'alavelave fa'afuase'i ma e leai se matou vaega i so'o se vaipanoa o le Matāgaluega o le Soifua Mālōlōina (Te Whatu Ora region).

E galulue le 'au faufautua fesoasoani e tusa ai ma tulaga fa'atonuina o faiga ua atia'e ma mata'itūina e le MND NZ ma le Tulafono o Aiā Tatau a le Komesina o le Soifua Mālōlōina ma Mana'oga Fa'apitoa. O lou so'otaga ma le auunaga lagolago o se so'otaga e tusa ai ma tagata faigaluega ma e fa'alilolilo.

O lo'o matou fesoasoani atu ina ia fa'aaogā lelei le taimi

Ia vave ona feso'otai mai. O nisi tagata e fa'atalatū e talia le fesoasoani ma fautuaga, ma fesiligia le aogā pe afai e leai se vaifofo o le gasegase. Ae e tele mea e mafai ona fai e taulimaina ai āuga ma faigatā o le gasegase. Aua e te fa'atali se'ia o'o ina tugā, ona e talia lea o se fesoasoani.

E talia ma le fiafia le iai o se tagata lagolago e fa'atasi ma oe pe a e feiloa'i ma lau faufautua, ma ia fa'atulaga se nofōaga e fetaui lelei ma oe e feiloa'i ai. E tāua lou lagona e mafai ona sa'oloto le fetalanoa'i, ma e te malamama i fa'amatalaga o lo'o e mauaina.

O le a fesoasoani lau faufautua fesoasoani i ā te oe e maua ai le tausiga talafeagai e taulimaina ai āuga, ina ia mafai ai ona e soifua i lou olaga i le tele e mafai ai.

Tagata tomai fa'apitoa i le soifua mālōlōina

E galulue faufautua fesoasoani ma tagata tomai fa'apitoa o le soifua mālōlōina o lo'o aafia i le tausiga o oe, i mai i vaega ese'ese o foma'i fa'amalositino, foma'i o meataumafa, foma'i e fesoasoani i gaiioiga i aso ta'itasi, foma'i e fesoasoani i le gagana po'o le tautala, ma tautasi soifua fa'alotoifale i Niu Sila atoa. Atonu o lenei mea e mafai fo'i ona avea ma se talanoaga e a'oa'oina ai, o le tu'uina atu o fa'amatalaga ma ta'iala e fa'atatau i le auala e sili ona lelei e tautasi ai ma lagolagoina oe, po o le fa'afaigofieina o feso'ota'iga.




**Motor Neurone
Disease NZ**

© Gasegase o le A'afia o Sela o Neura NZ 2026

**FA'ALĀPOTOPOTOGA E LĒ MO POLOFITI LESITALAINA
CC60169**

mnd.org.nz

O le Gasegase o le A'afia o Sela o Neura NZ o se fa'alāpotopotoga e lē maua se polofiti na fa'avae i le agaga o le fesoasoani i tagata ua a'afia i le MND – o le 'autū lea o mea uma lava e matou te faia. Afai o lo'o a'afia oe po'o sē e pele iā te oe i le MND, o lo'o matou avanoa mo oe.



Samoa

O ou aiā tatau ma tiute fai

Ina ia mafai ona avatu iā te oe le lagolago ma le tausiga e sili ona lelei, o le a manaomia e lau faufautua fesoasoani le aoina o fa'amatalaga e uiga i lou soifua mālōlōina ma mana'oga e mana'omia ai le lagolago ma tagata tomai fa'apitoa i le soifua mālōlōina ma fa'alāpotopotoga o lo'o aofia i le tausigaina o oe.

E matou te fa'amuumua le puipua o au fa'amaumauga e lē fa'alaua'iteleina. O fa'amatalaga e fitoitonu iā te oe o le a malupuipua ma e lē fa'alaua'iteleina. E iai lau aiā e te iloa ai ia fa'amatalaga ma talosagaina ni fa'asa'oga i fa'amatalaga o lo'o iā i matou e fa'atatau iā te oe. Faitau atili: mnd.org.nz/privacy-policy

E iai lau aiā e fa'aalia ai ou manatu i le fuafuaina o le tausiga e te mana'omia ma le taulimaina o lou gasegase. E tūa le iloa o mea uma, fa'aalia sou manatu i le filifilina o togafitiga, ma feso'ota'i tu'usa'o i lau foma'i ma isi o lo'o aofia i le tausiga o oe. E matou te talosaga atu fo'i e te fa'aalo'alo i aiā ma lē fa'alaua'iteleina o isi, e aofia ai ma lau faufautua lagolago.

Manatu Fa'aālia

O lo'o matou tu'utōina i le sauniaina o le lagolago lelei ma fa'amatalaga fa'atuatua. Ina ia fa'asoa mai se manatu fa'aālia pe fa'ao'o mai se fa'aseā fa'amolemole fa'afeso'ota'i mai le Pule o le MND NZ Auaunaga Lagolagosua i le imeli support@mnd.org.nz, pe vili le **0800 444 474**.

Ofisa fa'aleatunu'u a le MND NZ

Telefoni vili fua. 0800 444474

Imeli. support@mnd.org.nz

Upegatafa'ilagi. mnd.org.nz
(Pu'e fa'asolo lenei QR code e asiasi ai i le upegatafa'ilagi)



**Motor Neurone
Disease NZ**

© Gasegase o le A'afia o Sela o Neura NZ 2026

**FA'ALĀPOTOPOTOGA E LĒ MO POLOFITI LESITALAINA
CC60169**

mnd.org.nz

E fa'aapefea ona matou lagolagoina oe?

Ua matou i ai fa'atasi ma oe i lau faigamalaga ma le Gasegase o le a'afia o Sela o Neura (MND). E atia'e e le 'aufaufautua fesoasoani ni faiā alofa ma lagolagosua e ala i feiloa'iga, talanoaga fa'afesaga'i, telefoni, fe'au tusitusia, imeli ma telefoni vitiō.

O auala nei e mafai ai ona matou fesoasoani:

Fa'alogo iā te oe: E matou te fa'aaluina le taimi e malamalama ai i ou mana'oga ma popolega.

Lagolago faifai pea: E matou te iai mai lava i le taimi e fa'amaonia ai le gasegase ma a o fa'asolo atu i isi tulaga lou gasegase.

Saunia atu fa'amatalaga: E matou te fesoasoani iā te oe e malamalama i fa'amatalaga ina ia mafai ai ona e fa'atatauina e tusa ai ma lou tulaga.

Fesoasoani e iloa le auaunaga a le matagaluega fa'alesoifua mālōlōina: E matou te fesoasoani iā te oe ina ia malamalama i le auaunaga a le matagaluega fa'alesoifua mālōlōina ia iloa ma maua auaunaga pe a mana'omia.

Galulue Fa'atasi ma tagata mo le tausiga: E matou te galulue fa'atasi ma fa'alāpotopotoga o lo'o saunia le tausiga ina ia fa'amautinoa e te mauaina auaunaga i le taimi tatau ma talafeagai.

Fa'alauteleina feso'ota'iga: E matou te fesoasoani e fa'afaigofie le galulue fa'atasi o oe ma tagata ta'ito'atasi fa'apea fa'alāpotopotoga o lo'o tausiga oe.

Lagolagoina o tagata tomai fa'apitoa i le soifua mālōlōina: E matou te saunia fa'amatalaga iā i latou o lo'o fai se latou vaega i le tausiga o oe.

'Auai i au feiloa'iga fa'afoma'i: Pe a mafai, e mafai ona matou 'auai fa'atasi ma oe i taimi e te auai ai i au feiloa'iga fa'afoma'i pe a e finagalo i ai.

O la matou 'aufaigaluega o faufautua fesoasoani alolofa, e latou te saunia le lagolago e tusa ma le tulaga o le tagata ma le fesoasoani fa'apitoa i tagata o lo'o maua i le MND ma o latou ā'iga i Niu Sila atoa.

O lenei auaunaga o lo'o maua e aunoa ma se totogi, ma ua mafai ona saunia e ala i foa'i tauofo.

Tagata tomai fa'apitoa i le soifua mālōlōina

Ina ia mafai ona fa'asino mai se ma'i pe talosaga se ta'iala po'o fa'amatalaga, feso'ota'i se faufautua fesoasoani e lata ane iā te oe po'o le ofisa fa'aleatunu'u a le MND NZ.